

08.12.2021.



Ekonomsko-socijalno vijeće Bosansko-podrinjskog kantona Goražde na 17. redovnoj sjednici održanoj danas razmatralo je i podržalo nacrt Budžeta BPK Goražde za 2022.godinu, uz konstataciju da se maksimalno poveća iznos za podsticaj privredi.

Namjera Vlade Bosansko-podrinjskog kantona Goražde bila je da sa svojim socijalnim partnerima, predstavnicima poslodavaca i sindikata, još jednom, nakon provedenih javnih rasprava te upućivanja konačnog prijedloga prema Vladi i Skupštini BPK Goražde, razmotri nacrt ovog dokumenta, kako bi se što više budžetskih potreba moglo uspješno isfinansirati u 2022. godini.

Stavovi članova Ekonomsko-socijalnog vijeća BPK Goražde, posebno onih koji dolaze iz realnog sektora, ali i sindikata su da će podržati Budžet BPK Goražde za 2022.godinu u predloženom iznosu, a to je 40.140.850,00KM, s tim da se na ekonomskom kodu namijenjenom za podršku privredi poveća iznos, s obzirom da su na tom kodu bila planirana sredstva u iznosu od 10.000 KM.



Ekonomsko-socijalno vijeće složilo se da je neophodno povećati iznos finansijskih sredstava na ovom ekonomskom kodu, ali zbog nedostatka finansijskih sredstva ne u onom obimu koji zahtijevaju predstavnici Udruženja poslodavaca, ali ipak u maksimalnom iznosu koji budu dozvoljavale budžetske mogućnosti.

Također, Ekonomsko-socijalno vijeće je na današnjoj sjednici razmatralo zahtjeve sindikata o

povećanju plaća budžetskim korisnicima u skladu sa troškovima života, te se spominjalo donošenje novog zakona o plaćama BPK Goražde kojeg je potrebno uskladiti sa federalnim zakonom.